

UTAMAKAN KESELAMATAN

SIMBOL AMARAN BAHAYA



MENGKAKIS



MUDAH MELETUP



BERBAHAYA



MUDAH TERBAKAR



BAHAYA KEPADA PERSEKITARAN



TOKSIK

Lagu Peraturan Bilik Sains



Sisa kering sisa cecair,
Mesti dibuang jangan simpan,
Alat dan bahan dah digunakan,
Mesti dicuci dan keringkan.

Semasa siasatan dijalankan,
Patuhi semua arahan,
Keselamatan diutamakan,
Peraturan Bilik Sains kita amalkan.

Adakah semua murid dalam gambar ini mematuhi Peraturan Bilik Sains?



Patuhi dan Fahami Peraturan Bilik Sains

Peraturan Bilik Sains perlu dipatuhi bagi memastikan Bilik Sains bersih, kemas dan tersusun. Mematuhi peraturan ini juga dapat menjaga keselamatan murid dan peralatan di Bilik Sains.

Apakah Peraturan Bilik Sains yang perlu kamu patuhi?



- 1 Buang sisa pepejal ke dalam bakul sampah dan sisa cecair ke dalam singki.



Apakah yang akan berlaku jika peraturan ini tidak dipatuhi?



Kenapa pula singki ini tersumbat?



- 2** Bersihkan semua alat dan radas selepas digunakan dan simpan ke tempat asalnya semula.



Adakah kamu boleh menjalankan penyiasatan sains dengan lancar sekiranya perkara ini berlaku?

- 3** Maklumkan kepada guru sekiranya kamu tercedera atau alat dan radas rosak atau pecah.



Jangan beritahu cikgu, nanti kena marah.

Aduh, sakitnya! Darah masih banyak.

Apakah yang akan berlaku jika murid tidak melaporkan perkara ini kepada guru?



Selain itu, sebelum memasuki Bilik Sains, tinggalkan beg di luar kelas dan bawa buku dan alat tulis sahaja.



Beg sekolah yang diletakkan di dalam Bilik Sains boleh mengganggu pergerakan murid.

Kamu perlu mematuhi dan mengamalkan Peraturan Bilik Sains supaya Bilik Sains sentiasa dalam keadaan bersih, kemas, tersusun dan selamat.



Mari Jawab ▶

Apakah tindakan yang perlu dilakukan oleh mereka dalam situasi di bawah?

Kanang, kamu telah pecahkan bikar ini.



Ya. Apakah yang perlu saya lakukan sekarang?



Rekreasi Sains ▶

Nota Interaktif Peraturan Bilik Sains

Tuliskan Peraturan Bilik Sains yang perlu kamu patuhi dalam bentuk nota interaktif.

Bawa buku dan alat yang dibenarkan sahaja memasuki Bilik Sains.	Saja interaktif dan keselamatan setiap masa.
Bersihkan semua alat dan radas selepas digunakan.	Simpan semua alat dan radas ke tempat asal selepas digunakan.
Buang sisa pepejal dan sampah ke dalam baldi sampah.	Buang sisa cecair ke dalam singki.
Maklumkan kepada guru sekiranya terdapat alat dan radas yang rosak atau pecah.	Maklumkan kepada guru jika berlaku kecederaan.



tampil
tingkap




1. Sediakan teks.

2. Nomborkan.



Cara bermain:

1. Pilih nombor pada batang aiskrim.
2. Buka tingkap mengikut nombor yang dipilih.
3. Baca dengan kuat Peraturan Bilik Sains tersebut.



Saya Ingat

Peraturan Bilik Sains

1. Jaga kebersihan dan keselamatan setiap masa.
2. Bersihkan semua alat dan radas selepas digunakan.
3. Simpan alat dan radas ke tempat asalnya semula selepas digunakan.
4. Buang sisa pepejal dan sampah ke dalam bakul sampah.
5. Buang sisa cecair ke dalam singki.
6. Maklumkan kepada guru jika ada murid yang cedera.
7. Maklumkan kepada guru jika alat dan radas rosak atau pecah.
8. Bawa buku dan alat tulis yang dibenarkan sahaja masuk ke dalam Bilik Sains.



Saya Jawab



Jawab semua soalan yang berikut di dalam buku latihan Sains.



KBAT

1. Peraturan Bilik Sains perlu dipatuhi oleh semua murid. Mengapa?
2. Azrai membuang sisa cecair ke dalam bakul sampah. Adakah tindakan Azrai itu betul? Mengapa?
3. Mengapakah kita perlu menyusun semula alat dan radas dengan kemas selepas digunakan?

